

## **Radyo an Norvys**

(<http://www.dasunys.net/podcast.htm>)

**Titel:** Nowodhow an seythun (24/10/07)

**Auctour:** Matthew Clarke

**Dydh:** 24 Hedra 2007

**Pesyans:** 2:31

Matthew Clarke ov hag ottomma nowodhow an seythun.

\*\*\*\*

Yma sorr bras erbynn gweythysi Klavji Trelysk wosa I dhe dhylllo gwydheo-ges war Youtube.

I a wrug fylm rag aga hevywi Nadelik, ow kul ges a'n studh drog dhe'n Kernow-Ryal.

Gwrys yw an gwydheo dhe'n ton 'Reach' gans 'S-Club-Seyth'.. mes dashenwys 'Breach'.

Yma linenow kepar ha: "Deg godhevyas yn bern yn kres... deg moy y'n hel".

Pennrewloryon an klavji a lever bos kemmerys 'mes a Youtube... mes godhevysi a grys y vos divlas.

\*\*\*\*

Tri den re beu kemmerys gans an wythysi gres wosa bagas a dhew-ugens a dheuth erbynn an kreslu yn-mes diwotti yn Lannstefan.

Tri soedhek veu shyndys.

Gelwys vens dhe Arvow an Peber yn Stret Yet-Soth a-varr dy' Sul y'n myttin.

\*\*\*\*

Yma kowethas, BT, ow pareusi towlennow drehevel tredanva wvyns war Woenhyli.

Yma an negys telekommunyans ow movya dhe-ves a Gernow.

Pub skudell a vydh kemmerys a-ves marnas 'Arthur'... an neb a dhegemmeras sinellow dhiworth an loerellik Telstar.

An dredanva ma a vydh bras lowr rag dineythi tredan rag moy es kans mil chi.

\*\*\*\*

Lowender Peran yw gorfennys rag blydhen moy.

An goel a dhynnerghis bagasow kepar ha Dochas ha Giveway dhiworth Alban, keffrys ha wolkomma band Kembrek Mabon arta.

Ordenysi a lever bos sewen fest.

\*\*\*\*

Rugbi lemmyn...

An Vorladron re waynyas erbynn Bedford.

I a gavas nawnsek poynt dhe etek.

An trygh dhe Gambronn yw an hweghves yn unn rew.

An Para Oll-Du re gemmeras aga nessa gwaynyans yn Kenedhlek Onan.

Lannstefan a fethas Kembroyon Loundres dewdhek-poynt-warn-ugens dhe naw.

Hag yn Kenedhlek Dew... yma tenkys Rysrudh ow kwellhe.

I a fethas Wharfedale unnek-poynt-warn-ugens dhe dhew-warn-ugens.

\*\*\*\*

Ha warlergh an nowodhow...

Privedhyow poblek yn Tewynn Bleustri re beu gwerthys gans Konsel Rostormoel rag tri-ugens-mil peuns.

\*\*\*\*

Y fydh moy nessa seythun.